

榆園丛刻

榆

園

丛

刻

笙月詞
花景詞
增

縵雅堂駢體文

歐齋題眉

光緒六年庚辰
二月娛園開雕

序

同治五年馬端敏公撫浙以舊籍散佚勅設書局羅名雋
士實其中時余客端敏幕與孫丈琴西高丈伯平實贊成
之山陰王廣文眉叔最後來與校讎之事久遂與余識後
局移戴園居益近過從益數而局中諸君或以科第去或
得官去不則載筆劄游四方以去獨眉叔貧老守局中且
善病余閱其寂寂也思有以慰之恆招之至至則爲余商
權文字有疵累必言言無不盡已卯榜後眉叔益不自聊
余謂眉叔曰君老矣復何欲眉叔蹙然曰余何欲也大功
盛名吾欲之不及媿媿富若貴吾不敢欲欲亦未必能得
獨生平仰屋捫腹噴心血積紙盈尺脫不覆瓿後世知有

誰某姓名此不能無欲者余爲之懼然以悲睂叔所爲詩古文詞甚夥旣自刊筌月詞余乃取其駢儷文若干卷屬自點定謀同人集貲刊之睂叔感余意退而泣下者數四蓋庚辰冬閒事也臘垂盡睂叔將以歲事歸手其文來付余且言別余謂春閒當成書報君旣度歲以文授工工未半而睂叔之訃至矣嗟乎士窮困抑塞束手不任天下事至其老也僅僅出其餘作爲文詞欲自附於傳人之後而卑賤無貴顯交其所著述率不過一人一家之言於世無大關繫雖傳亦不能遠而天或且靳之如睂叔之交幾幾可傳矣顧仍不及見其書之成又若或以此而促其年者其亦可哀也夫訃之至也余旣爲位哭之因促梓人速其

成猶思中止而或尼其傳也若夫余之不文烏足以知睂
叔之文也顧斷斷焉爲之序者仍睂叔之志不敢負死友
之屬也光緒辛巳閏七月仁和許增

王君睂叔小傳

會稽孫德祖彥清

仁和許君邁孫刻縵雅堂駢體文成敘而傳之實光緒七年秋七月之閏蓋睂叔手定以屬許君而睂叔已以其年小斃朝日卒于家不及見矣余世居府城負北郭于睂叔同里聞睂叔長余十年自余識字之始睂叔已有名藝林渴慕之弱小不敢出交英儁故未能識面比經燹難余不克有其先人之廬賃廡于小舉部而睂叔于舉人秦勉鉏總角交也邂逅秦所因是以結文字之契幾二十年余固能知睂叔者睂叔少孤祖母孫夫人親授九經讀皆上口年十有四始就外傳才高好博涉能文章獨不喜制舉業坐是早以詩古文詞受知郡邑大夫拔前茅年二十有五

僅乃得游府學同治二年年三十有四始爲泰興吳侍郎
師所賞詞賦府學九屬第一以優行補廩餽余亦同時冠
入縣童子成諸生餽于會稽縣學是歲也方補辛酉拔貢
連舉壬戌癸亥歲科兩試云丁卯並補行甲子科鄉舉太
和南皮二張夫子來典試兩浙知名士不屑屑以時文鳴
者強半彈冠而起余之荒率猶尙忝竊而睂叔汔未得志
庚午李侍讀文田爲浙闈副考官徐侍郎樹銘以督學使
者攝監臨前之所遺闈中捫索殆盡皆曰睂叔理無更抑
睂叔坦率如故有命也非戰之罪睂叔先以將母之故援
例就訓導凡署金華浦江兩校旣喪母不復仕應本省書
局之聘由分校至總校同事一時之儔徧交之學益邃密

纂述益富精力與俱耗甫中年而老至可傷也卒之歲但
微喘氣逆耳以人日夢至一所有傑閣仿佛凌霄漢龐眉
竇肅之登插架萬軸類生平未見書竇徵敘焉寤以告其
子緯遂酣臥不復問人世事越十有八日曰敘成矣有云
蒼磴砥閣碧練秋味患味字未安也又七日竟卒先有笙
月花影二詞刻于杭州許君刻者駢體文未斷手也前卒
一夕猶念之有詩十二卷舉以屬緯已而指窗櫺曙色曰
東方明矣可行矣乃瞑年五十有二眉叔姓王氏諱詒壽
山陰人父文鏞贈修職佐郎候選訓導母氏沈封太孺人
子一緯能讀父書女二並能詩長綺尤才適胡元鼎亦才
士也昔玉溪生爲李賀作小傳俾天帝成白玉樓召賀爲

記觀于眉叔猶信長吉詩得樊川敘傳世至今若許君者
何多讓哉

山知人父文辭觀之雖外
平大明文何許矣
一之
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

復堂亾友傳之一

仁和譚獻仲修

王詒壽字睂子山陰貢生候選訓導少習法家言游皖南
三年兵起歸里門性澹逸好古學思心湛湛詩篇雅令閒
爲南宋人小詞輒工有笙月詞四卷尤精駢儷文字芳潤
縝密如梁陳人一署武康學官杭州奏開書局訪延學人
校理踰一二年睂子至同人服其安雅名大起王麟書譚
獻陳豪施補華尤交契也已而諸人皆宦游君窮悴且善
病許增邁孫博覽好賢尤耆睂子文一日語君曰子今年
五十矣何不寫定文彙增且任槧人資以爲君壽君遽起
再拜縵雅堂文八卷刻亟成而君已卒詩十二卷彙臧其
家子緯

祭文

光緒七年十一月日陽湖汪學瀚平湖徐惟鋌仁和許增
許郊潘鴻張大昌陳霖錢唐濮子潼謹以香醪一甌溪簫
盈掬龍涎之炷雪谷之冰致祭於

睂叔先生之靈嗚呼鶴歸丁令盼落月兮來無鵬賦賈生
傷流風兮已盡電光泡影頃成宿草之悲雋語清詞遽醒
生花之夢竊以苔岑跂舊蘭契思今珠樹仙才玉臺詩格
倚聲鏤月勝柳七之歌詞走筆鍾霞具蘇髯之興會記拔
劍而斫地親覘奇氣激昂擬援琴而登牀終歎遺音閨寂
莫禳龍蛇之歲讖祇餘麟鳳之聲華風燭一朝雲煙萬古
玉樓何處擬通芳柬而無從瑤情有知爲酌桂醕而尙饗

往時小海吟興如存今日大招靈談定接歌以當哭爰進
蕪辭來些讀騷藉抒藹悃辭曰

稽山兮峰青湘湖兮波渟君之居兮寒煙局揚素旄兮駕
翠輅乘風來兮歆余馨薦梓孟兮酌醪醴望顏色兮雲杳
冥幽顯隔兮如有靈佩珊珊兮臨吾庭欲見而終不得見
兮摹謦欬以傾聽願君醉此觴兮鑒故人之微誠

祭文

縵雅堂駢體文卷一目錄

恭擬

皇上龍飛親政頌

獨石軒遺集序

秋言自序

亦廬詩序

文學酈君墓誌銘

擬駱右丞蕩子從軍賦

趙壹論

讀葛壯節公年譜書後

仕女冊題詞

蘇東坡公平韻書對

蘇東坡公平韻書對

蘇東坡公平韻書對

蘇東坡公平韻書對

蘇東坡公平韻書對

蘇東坡公平韻書對

蘇東坡公平韻書對

蘇東坡公平韻書對

蘇東坡公平韻書對

蘇東坡公平韻書對

縵雅堂駢體文卷一

山陰王詒壽眉叔著

恭擬

皇上龍飛親政頌

并序

臣聞大庭膺籙三辰增玉宇之輝華殿垂衣五緯順瑤樞之軌虞后升壇之日寶露凝雲姬王御宇之年榮光幕水蓋惟神靈之首出斯瑞應之呈休炳炳乎煌煌乎莫不照耀于紫衢網緼于青簡者矣欽惟

皇帝陛下秉德承圖

累仁嗣構

金繩高握